

Na osnovu člana 30. Statuta Stonoteniskog savez Bosne i Hercegovine, Upravni odbor Stonoteniskog saveza BiH na _____ sjednici održanoj u _____ dana _____ godine donosi:

PRAVILNIK O SISTEMU TAKMIČENJA

OPŠTE ODREDBE

Član 1.

Pravilnikom se propisuju jedinstvene odredbe o organizaciji i rukovođenju takmičenja svih kategorija na prostorima Bosne i Hercegovine koje organizuje Stonoteniski savez BiH, u daljem tekstu - Savez.

Član 2.

Pravilnik predstavlja osnovni propis za takmičenja iz člana 1. ovog pravilnika, kojim se na jedinstven način rješavaju sva zajednička pitanja. Svi ostali dokumenti koji se odnose na sistem ili uslove takmičenja, moraju biti u skladu sa odredbama ovog pravilnika.

Član 3.

Takmičenjima koja organizuje Savez rukovodi Takmičarska komisija koju bira Upravni odbor Saveza. Takmičenja u Premijer ligi za muškarce/žene, Prvoj, Drugoj i Trećoj ligi vodi Komesar lige.

Član 4.

Način rukovođenja takmičenjem, obaveze i odgovornosti učesnika u takmičenju, međusobni odnosi učesnika u takmičenju, prava i obaveze službenih lica na takmičenju, specifičnosti u pojedinim takmičenjima i druga pitanja koja se odnose na takmičenje uređuju se u skladu sa opštim aktima Saveza, propozicijama takmičenja ili drugim opštim aktima.

Član 5.

Sva takmičenja se igraju po pravilima Međunarodne stonoteniske asocijacije (ITTF), a Savez ih primjenjuje kroz odredbe ovog pravilnika i propozicije određenih takmičenja.

Član 6.

Klubovi su dužni da organizuju zdravstvenu zaštitu svojih aktivnih članova, sportista i trenera. Zdravstvenu zaštitu sudija dužna je obezbijediti Sudijska organizacija Saveza. Organizatori određenih takmičenja dužni su da obezbijede zdravstvenu službu za vrijeme trajanja takmičenja.

SISTEM TAKMIČENJA

Član 7.

Sistem i kalendar takmičenja utvrđuje Predsjedništvo Saveza na prijedlog Takmičarske komisije. Odluka o sistemu takmičenja mora biti donijeta prije početka sezone za koju se primjenjuje.

Član 8.

Savez organizuje:

1. LIGE BiH

- Premijer liga za muškarce
 - Premijer liga za žene
 - Prva liga za žene
 - Prva liga za muškarce
 - Druga liga za muškarce
 - Treća liga za muškarce
- } - SRB FBiH - UGA RS

2. EKIPNA PRVENSTVA BiH

- juniori/juniorke
- kadeti/kadetkinje
- mlađi kadeti/mlađe kadetkinje
- sub kadeti/sub kadetkinje

3. DRŽAVNA PRVENSTVA BiH

- seniori/seniorke
 - juniori/juniorke
 - kadeti/kadetkinje
 - mlađi kadeti/mlađe kadetkinje
 - sub kadet/sub kadetkinje
- * U-21

4. TURNIRI TOP-8 (A i B GRUPE)

- seniori/seniorke
- juniori/juniorke
- kadeti/kadetkinje

5. KVALIFIKACIONI TURNIRI ZA DRŽAVNO PRVENSTVO

- juniori/juniorke
- kadeti/kadetkinje

6. KVALIFIKACIONI TURNIRI ZA TOP-8 (A I B GRUPE)

- seniori/seniorke
- juniori/juniorke
- kadeti/kadetkinje

7. OTVORENI TURNIRI

- mlađi kadeti/mlađe kadetkinje
- sub kadeti/sub kadetkinje

8. KUP BiH

- seniori/seniorke

9. VETERANSKA PRVENSTVA

- državno prvenstvo
- otvorena prvenstva

Član 9.

1. LIGE BiH

Premijer liga BiH za muškarce broji 10 ekipa, koje igraju dvostrukim bod sistemom svako sa svakim. Za ekipu nastupaju 3 igrača od najmanje 12 koji su registrovani za svoje klubove. Mečevi se igraju do 4 pobjede sa dublom.

Nakon završetka prvenstva kod muškaraca uvodi se Play off, nakon kojeg se dobiva prvak BiH. Četiri prvoplasirane ekipe igraju Play off sistemom 1-4 i 2;3. Pobjednici igraju dva meča. U slučaju da bude 1:1 igra se majstorica na terenu bolje plasirane ekipe iz prvenstva Premijer lige. Igraci koji su nastupali u tokom sezone za svoje klubove imaju pravo nastupa u play off-u, što znaci da igrač koji igra play off mora nastupiti bar po jedan put za svoju ekipu u jesenjem i proljetnom dijelu prvenstva.

Ekipe koje zauzmu 10 i 9 mjesto ispadaju i prelaze u Prvu ligu BiH. Ukoliko jedna ekipa prije početka sezone odustane od nastupa u Premier ligi, ista se popunjava na slijedeći način: 9-plasirana ekipa iz Premier lige i 3-plasirana ekipa iz Prve lige igraju baraz za Premier ligu na neutralnom terenu jedan mec po sistemu igranja iz Premier lige. Ukoliko dvije ili više ekipa odustanu od Premier lige igra se kvalifikacioni turnir od ekipa iz Premier lige koje su zauzele 10 i 9 mjesto sa ekipama od 3 do 6 mjesta iz Prve lige. Ako se ekipe ne mogu dogovoriti o mjestu odigravanja baraza ili kvalifikacionog turnira, iste određuje Takmičarska komisija i Komesar lige.

Premijer liga za žene broji 8 ekipa, koje igraju dvostruki bod sistemom svako sa svakim, bez igranja Play off-a. Za ekipu nastupaju 3 igračice. Mečevi se igraju do 4 pobjede sa dublom. Ekipa koja na kraju prvenstva osvoji najviše bodova i ima najbolji skor, postaje prvak Bosne i Hercegovine za tekucu sezonu. Ekipe koje zauzmu 8 i 7 mjesto ispadaju i prelaze u Prvu ligu BiH za žene. Pravila za popunjavanje Premier lige vaze kao i kod muskaraca.

Premijer lige BiH za muškarce i žene igraju se takozvanim vezanim sistemom koji se dogovori na početku svake sezone.

Prva liga za žene broji 4 i više (zavisno od prijave pred početak sezone) ekipa i igra se turnirski u 2 turnusa, dvostrukim bod sistemom. Ekipu sačinjavaju 3 igračice i igra se do 3 pobjede bez dubla. Ekipe koje na kraju prvenstva osvoje najviše bodova i imaju najbolji skor i ostvare plasman na 1 i 2 mjesto naredne sezone prelaze i nastupaju u Premijer ligi BiH za žene.

Ukoliko se za prije početka sezone za Prvu ligu za žene prijavi više od 8 ekipa UO STS BiH ima pravo da formira novi sistem igranja ili da se formira Druga liga za žene, što također zavisi od broja prijavljenih ekipa.

Prva liga za muškarce broji 8 ekipa i igra se turnirski u 4 turnusa, dvostrukim bod sistemom. Ekipu sačinjavaju 3 igrača i igra se do 3 pobjede bez dubla. Ekipe koje na kraju prvenstva osvoje 1 i 2 mjesto naredne sezone prelaze i nastupaju u Premijer ligi BiH. Iz Prve lige dvije (7. i 8.) posljednje plasirane ekipe ispadaju u Drugu ligu za muškarce. Popunjavanje Prve lige vrši se po sistemu popunjavanja Premier lige za muškarce, s tim što se svi mečevi igraju po sistemu do 3 pobjede bez dubla.

Druga liga za muškarce broji 8 ekipa. Pravila igranja Druge lige za muškarce su ista kao i kod Prve lige za muškarce.

Treća liga broji najmanje 8 ekipa, zavisno od broja prijave pred početak sezone UO STS BiH ima pravo da proširi ligu sa više ekipa ili da formira novi rang takmičenja. Pravila igranja Treće lige za muškarce su ista kao i kod Prve lige za muškarce.

Član 10.

2. EKIPNA PRVENSTVA BiH

Ekipno prvenstvo za juniore/juniorke, kadete/kadetkinje, mlađe kadetke/mlađe kadetkinje, sub kadete/sub kadetkinje, igra se turnirski.

Kod juniora za ekipu nastupaju 3. igrača, a mečevi se igraju do 3 pobjede bez dubla.

Kod kadeta/kadetkinja, mlađih kadeta/mlađih kadetkinja, sub kadeta/sub kadetkinja, za ekipu nastupaju 2 igrača i igra se do 3 pobjede sa dublom. Zavisno od prijavljenih ekipa formiraju se grupe koje se prema rang listi igrača žrijebaju u grupe.

U finalnoj grupi igraju prvaci grupa, ekipe igraju svaka sa svakom, a pobjednik ovog turnira postaje prvak BiH u konkurenciji juniora/juniorki, kadeta/kadetkinja, mlađih kadeta/mlađih kadetkinja, sub kadeta/sub kadetkinja.

Član 11.

Ekipni prvaci Bosne i Hercegovine u muškoj i ženskoj Premijer ligi stiču pravo nastupa u Kupu Evropskih šampiona (ukoliko ispunjavaju uslove koje je propisao ETTU) ili ETTU

kupu, a sljedeće plasirane ekipe imaju pravo nastupa u ETTU kupu prema pravilima koje odredi ETTU pred početak sezone.

Član 12.

3. DRŽAVNA PRVENSTVA BiH

Državno prvenstvo za sve kategorije je otvorenog tipa. Pravo nastupa na imaju svi registrovani igrači u STS BiH koji su državljani BiH, kao i igrači koji igraju stoni tenis u nekoj od liga van BiH pod uslovom da su državljani BiH.

Zavisno od broja prijava pravi se kostur na 24, 32, 64, ili 128. Igra se sistemom na ispadanje u 3 dobivena seta do ulaska među 8, a nakon toga mecevi se igraju u 4 dobivena seta.

Igra se za plasman od 1-vog do 16-tog mjesta.

Zrijeb se vrši prema rang listi STS BiH, a za igrače koji dolaze iz inostranstva koristi se ITTF rang lista. Taj igrač se upoređuje sa domaćim igračima koji su na ITTF rang listi i na osnovu njegovog plasmana se određuje koji će biti nosioci u kosturu.

Zrijeb je otvorenog tipa za sve predstavnike klubova i igrače koje nemaju kluba. Vrš se u kancelariji STS BiH 2 dana prije takmičenja. Takmiči se u disciplinama (pojedinačno, dubl) oni koji su u polufinalu poraženi, dijele 3. mjesto i osvajaju bronzanu medalju.

Na Državnom prvenstvu igraju se discipline; muškarci pojedinačno i parovi, žene pojedinačno i parovi.

Član 13.

4. TURNIRI TOP-8 (A i B grupa)

Turniri TOP 8 (A i B grupa) za sve kategorije broji ukupno 16 igrača/lica, koji su podijeljeni u A i B grupu. A grupu čine igrači od 1 do 8 mjesta, a B grupu čine igrači od 9 do 16 mjesta.

A grupu na prvom Top 8 turniru dobivamo na sljedeći način:

- 4 prvoplasirana sa zadnje rang liste i 4 prvoplasirana sa prvog kvalifikacionog turnira za Top 8. Selektor ima pravo pozvati jednog igrača ukoliko on dolazi iz inostranstva, a ima status reprezentativca ili potencijalnog reprezentativca.

B grupu na prvom Top 8 dobivamo na sljedeći način:

- plasirani od 5 do 12 mjesta sa prvog kvalifikacionog turnira za Top 8

Rezerve za nastupe na prvom Top 8 određuju selektori kategorija.

A grupu na drugom Top 8 turniru dobivamo na sljedeći način:

- 6 prvoplasiranih sa prvog Top 8 turnira A grupe
- 2 prvoplasirana sa prvog Top 8 turnira B grupe, s tim što selektor ima pravo pozvati jednog igrača u A grupu ukoliko igrač ima status reprezentativca ili potencijalnog reprezentativca, a nastupa u inostranstvu, ili ukoliko neki od reprezentativaca nije

B grupu na drugom Top 8 turniru dobivamo na slijedeći način:

- 7 i 8 plasirani na prvom Top 8 turniru A grupe
- 3 i 4 plasirani na prvom Top 8 turniru B grupe
- 4 prvoplasirana na drugom kvalifikacionom turniru za Top 8 B grupa, s tim ukoliko selektor iskoristi svoje pravo pa pozove igrača u A grupu, onda se 2 plasirani iz B grupe vraća u B grupu, a 3 prvoplasirana sa kvalifikacionog turnira za Top 8 B grupa ostvaruju nastup u na drugom Top 8 B grupi.

Rezerve za nastupe na prvom Top 8 određuju selektori kategorija.

U slučaju da neko od igrača iz predhodne sezone koji su stekli pravo nastupa igranja na prvom TOP-8 odustane ili su preseli u višu kategoriju, ta mjesta se popunjavaju prema plasmanu sa kvalifikacionog turnira.

U slučaju da igrači plasirani na 5 ili 6 mjesto rang liste imaju isti broj bodova kao i 4 plasirani, smatra se da dijele to mjesto i ostvaruju pravo nastupa na prvom Top 8 A grupe, ali se onda smanjuje broj mjesta sa prvog kvalifikacionog turnira za Top 8 (A i B grupe).

6. KVALIFIKACIONI TURNIRI ZA TOP-12

[illegible]

7. OTVORENI TURNIRI

Otvoreni turnir za sub kadete i sub kadetkinje iga se na osnovu prijava, a žrijeba se na osnovu aktuelne rang liste. Zavisno od prijava igrači se žrijebaju u grupe, a nakon toga igra se na ispadanje do finala.

8. KUP BiH

Kup Bosne i Hercegovine je masovno ekipno takmičenje gdje pravo nastupa imaju svi klubovi koji su registrovani u STS BiH. Takmičenje se igra turnirski, ekipu sačinjavaju 3 igrača/ice i igra se do 3 pobjede bez dubla.

Određuju se 4 nosioca na osnovu plasmana u Premier ligi u tekućoj sezoni i prethodnoj takmičarskoj sezoni. Ostale ekipe se zriježaju totalnim zriježebom.

9. VETERANSKA PRVENSTVA

Državno prvenstvo i Otvoreni turniri igraju se prema pravilima ETTU-a i ITTF-a

Član 19.

Kod određivanja plasmana ekipa (pojedina) koji su na takmičenju osvojili isti broj bodova koriste se slijedeći principi:

1. Ako su dvije ekipe (pojedina) jednako plasirani, rezultat međusobnog meča se koristi da se odredi plasman. U slučaju istog rezultata, (po jedna pobjeda) uzima se partija razlika, a u slučaju istog odnosa partija uzima se odnos setova, poena i na kraju žrijeb.
2. Ako su više ekipa (pojedina) jednako plasirani, tj. imaju isti broj osvojenih bodova, međusobni susreti između njih određuju plasman.
3. U slučaju da tri igrača imaju isti broj bodova i isti broj setova onda se uzimaju međusobni poeni. Ako se desi da tri igrača imaju isti skor bodova, setova i poena onda odlučuje žrijeb.
4. U slučaju da dva ili tri igrača imaju isti broj bodova, odlučuje međusobni skor setova, s tim da se uvijek dijeli sa npr. 4 podijeljeno sa 5; 3 podijeljeno sa 4 ili 5 podijeljeno sa 4; 4 podijeljeno sa 3 itd.

Član 20.

Na svim zvaničnim takmičenjima pravo nastupa za određeni klub ima samo igrač-ca koji su uredno registrovani u Savezu.

PREKRŠAJI I KAZNE

Član 21.

Ekipa koja je suspendovana ili nastupi sa igračem koji je nepravilno registrovan, koji nije registrovan ili se nalazi pod suspenzijom, gubi ekipni meč službenim rezultatom. Ako

tim (pojedina) samovoljno napusti turnirsku dvoranu prije završetka meča (turnira) isključice se iz takmičenja u toku i u narednoj sezoni prebaciti u niži rang takmičenja. Protiv ekipe (pojedina) pokrenuti će se disciplinski postupak.

Član 22.

Ukoliko je tim (pojedina) odigrao više od polovine mečeva u takmičenju iz kojeg je isključen ili povrijeđen, ti mečevi se registruju postignutim rezultatom, dok se preostali mečevi do kraja takmičenja registruju službenim rezultatom prema sistemu takmičenja u toj kategoriji.

Ukoliko je tim (pojedina) odigrao manje od polovine mečeva u takmičenju iz kojeg se isključuje, svi rezultati se poništavaju.

Član 23.

Ukoliko uslijed nereda u sali sudije i delegat donesu odluku o prekidu meča i da se on ne može nastaviti meč se registruje službenim rezultatom u korist gostujućeg tima, osim u slučaju kada se utvrdi da je do prekida došlo krivicom gostujućeg tima. U tom slučaju gostujuća ekipa gubi meč službenim rezultatom.

Član 24.

Ako Takmičarska komisija u sprovedenom postupku utvrdi da je meč lažiran, ekipa koja je to učinila isključiće će se iz takmičenja koje je u toku i prebaciti u niži stepen takmičenja. Protiv kluba i pojedinca pokrenuti će se disciplinski postupak.

Član 25.

Takmičarska komisija koja rukovodi takmičenjem registruje sve rezultate osim onih na koje je uložena žalba.

Član 26.

Žalba se najavljuje potpisom kapitena u zapisnik meča. Obrazloženje žalbe podnosi se Takmičarskoj komisiji u roku i na način koji je bliže opisan u Propozicijama takmičenja.

Član 27.

Takmičarska komisija može usvojiti ili odbiti žalbu. Ako žalbu odbije meč se registruje postignutim rezultatom. Ako žalbu usvoji, Takmičarska komisija će meč poništiti i naložiti odigravanje novog meča.

Takmičarska komisija ne može da odbije registraciju meča na koji ne postoji žalba.

Član 28.

Jednom registrovan rezultat meča nemože biti poništen od istog organa.

Član 29.

Protiv odluke prvostepenog organa o registraciji rezultata meča, ili po žalbi na meč, dozvoljena je žalba drugostepenom organu, Upravnom odboru Saveza. Odluka Upravnog odbora je konačna.

Član 30.

Propozicijama takmičenja se pobliže utvrđuju rokovi i radnje u žalbenom postupku.

Član 31.

Kaznene odredbe u Propozicijama takmičenja moraju biti u skladu sa Disciplinskim pravilnikom Saveza.

Član 32.

Službena lica na takmičenjima su delegat, sudije i predstavnik organizatora. Delegat na takmičenju predstavlja organ koji rukovodi takmičenjem i njegove dužnosti su da kontroliše primjenu svih propisa predviđenih za održavanje takmičenja. Sudije su isključivo ovlaštene da odlučuju o svemu u vezi sa mečom, a kako je to propisano pravilima igre.

Za vrijeme meča dužnost delegata je da prati rad sudija i svega što se dešava u vezi sa mečom da bi mogao da sačini objektivni izvještaj za organ koji vodi takmičenje.

Član 33.

Sva ostala pitanja koja nisu regulisana ovim pravilnikom, biće regulisana propozicijama za svako pojedinačno takmičenje.

Član 34.

Ovaj pravilnik stupa na snagu danom njegovog donošenja i primjenjivati će se za sva takmičenja u organizaciji STS BiH za sezonu 2013/2014 a njegove dopune se mogu raditi pred početak svake sezone.

PREDSJEDNIK UO STS BiH

Juni, 2014

M.P.